

DISPUTATIO INAUGURALIS
MEDICA

De

VARIOLIS

Et

MORBILLIS.

Quam

Deo volente & benedicente

Ex Decreto & Autoritate

Amplissimi, Nobilissimi & Gratosissimi

COLLEGII MEDICI,

In Celeberrima & Antiquissima

BASILEENSIIUM UNIVERSITATE

Pro

Summis in Arte Medica Insignibus Privilegiis

& Honoribus Doctoralibus legitimè

consequendis,

Eruditorum censura submittit

HIERONYMUS ZOLLICOFFERUS,

Sangallo-Helvetius.

Die 23. Octobris M DC LXXXII.

Loco temporèe consueto.

•••): (o): (•••



BASILEÆ, Typis JACOBI BERTSCHL.

V I R I S

*Munerum amplitudine, Generis nobilitate
Eruditionis laude, rerum agendarum dexteritate maximè
conspicuis, Excellentissimis, Prudentissimis.*

D. TOBIÆ BAUMGARTERO, M. & Chir. D.
Reipublicæ Sangallensis Archiatro Celeber-
rimo, Senatori Gravissimo.

D. DANIELI ZOLLICOFFERO, Reip. San-
gallensis Prætori Meritissimo.

D. PETRO } ZOLLICOF-
D. GEORGIO LEONHARDO } FERIS.

D. PETRO } FELSIIS.
D. DAVIDI }

D. HENRICO ZOLLICOFFERO.

D. GEORGIO LEONHARDO ZOLLICOF-
FERO, Danielis Filio.

D. JOH. CONRADO FELSIO.

Mercatoribus Integerrimis juxta ac Famigera-
tissimis.

D. BARTHOLOMÆO ZOLLICOFFERO.

*Patronis, Mæcenatibus, Agnatis, Parenti, omni Ho-
noris, Amoris ac Obsequii reverentiâ prose-
quendis, suspiciundis,*

Hanc suam inauguralem Disputationem

humillimè & officiosissimè dedicat

HIERONYMUS ZOLLICOFFERUS



P R O O E M I U M.

L*eganter Solon Hominem, quem Trismegistus animal adorandum dixit, putredinem esse in exortu, bullam in omni vitâ, tandemq; escam vermium olim pronuntiavit: Universa sanè animalia si perlustrare libeat, hominem mi-
serius quodquam non reperi-
es: etenim in lucem istam
prodit nudus & inermis, cæteris animantibus à naturâ va-
riè munitis ad sui defensionem, tectis & circumvallatis, si-
mulq; morborum variorum seminaria secum apportat, dum
ex cavernis, in quibus blandè delituit tantisper misellus pro-
repat. Variolas & morbillos in præsentiarum nominare liceat
in tenellâ ætate puerulorum corpuscula funesto exitu sæpius
infestantes: Quotusquisq; est, qui ipsarum genium igno-
rat, vel quantis incommodis non rarò erumpant, & sti-
pata sint, nescit: Ut de universali, quod sibi vendicare
quasi satagunt in Homines imperio, taceam: Non abs re
hinc futurum arbitratus sum, si quantum vires & tem-
poris angustia permittent, Variolarum causas & naturam
curamq; attentius examinarem. Deus T. O. M. adsit
conatibus.*

T H E S I S I.



Imidium facti, qui bene coepit habet Horatius quondam cecinit. Hujus monito ego quidem obtemperaturus ante omnia variolarum & morbillorum Etymologiam tradere necesse haberem. Cum autem omnes horum scaturigines exhaurire & enumerare nec vacet nec opus sit, præcipuas indigitasse sufficiet. Græcis ἐξανθήματα, item ἐκθύματα dicuntur. Latinis verò eruptiones efflorescentiæ, tubercula, papillæ, pustulæ, quia florum ad instar in cute exiliunt. Uti enim arbores dum flores & fructus protuberantes protrudunt, tument quasi ita & natura ubi humores sibi molestos ad cutim eliminare satagit, mox tubercula, mox maculas producit. Plerique tamen hodiè variolas ob similitudinem aut à Varis, qui parva tubercula dura & callosa in facie conspicua sunt, aut à variando derivari credunt, dum cutim aliter & aliter colorant, mutant, & ex lævi asperam & ingratam reddunt, secundum illud Poëtæ.

*Qui ne Tuberibus propriis offendat amicum,
Postulat, ignoscat verrucis illius æquum est.*

Germanis sonant Bocken/ Blateren/ Durchschlechten/ Kinderblatteren. Morbilli verò à morbo denominationem suam sortuntur, cum sint parvi morbi. Germanis vocantur die Masern/ Rotesucht.

II.

Explicatâ nominis significatione ad essentiam malorum investigandam progredior, ubi monendum arbitror præ omnibus, quòd, licet Variolæ & Morbilli affectus admodum consobrini sint, imò tantum non omne morbi genus absolvant, intemperiei nimirum, malæ compositionis, & solutæ unitatis, invicem tamen nihilominus aliquatenus distent & quidem variolas erupturas præcedit, & subsequitur febris tempore suppurationis: Morbillos autem quia non suppurantur nulla sequitur. Porrò Variolarum materia & fixior esse videtur, & paulò crassior; Morbillorum verò magis

gis volatilis & tenuis. Morbilli in super pueros potissimum infestant: Præterito tamen vere homines provectæ ætatis denuò invaserunt, idq; satis vehementer, ceu istud observavit Excellentiss. D. Professor Harderus Fautor & Præceptor summè honorandus: Variolæ autem adultis nonnunquam & senibus obveniunt, Neque ratione temporis vel eruptionis vel durationis ordinariæ conveniunt; Variolæ siquidem tardius egrediuntur, & diutius perseverant cum pruritu vehementiori & dolore, neque enim magnitudinem idoneam primo ictu consequuntur, sed primùm milii semen æmulantur, hinc incrementum capiunt, ac augentur magis magisque, post collecto humore in pus abeunte exulcerant, donec tandem superinductâ crustâ exsiccata decidant: Morbilli verò cum in iis calor acrior sit & intensior, siti majori atque inquietudini junctus, citius efflorescunt, resolvuntur, & penitus evanescent 4. vel 7. ad summum die, contra quàm Variolæ, quæ quarto die demum emergunt, suppuranturque, exsiccantur & decidunt intra dies quatuordecim vel 20. Morbilli nullo relicto vestigio resolvuntur: Variolæ foveas interdum relinquunt: Cætera causis, signis, & symptomatibus ferè similes sibi sunt affectus isti, nec cura multum variat, quin mutatis mutandis eadem medicamenta conveniunt, utrique eademque cautela observanda, nisi quòd in Variolis suppuratio sit expectanda, ubi Medicus aliter se gerere debet.

III.

Hiscæ ita præmissis utriusque Definitionem subnectere non est difficile: Utque à Variolis ordiar, pustulæ illæ sunt suppurari aptæ, à particulis heterogeneis è massa sanguinea motu febrili exæstuante ac ferociente criticè foras pulsas ortæ. Morbilli verò maculæ rubræ sunt à particulis heterogeneis subtilioribus è massa sanguinea effervescente, motu critico foras ad cutim pulsas ortæ ad suppurationem non pervenientes.

IV.

Pars affecta cutis dici potest, cum pustulæ vel maculæ ubertim ibidem conspicuæ sint, non exclusis tamen penitus partibus internis, utpote quas Fernelius, aliique in dissectionibus

nibus malo hocce correptas reperere. Clariss. D. D. Peyerlinus Augustanus Amicus meus intimus, Amstelodami mihi retulit se vidisse variolas copiosas ab infantibus per anum exclusas. Hoc fortè confirmare magis possunt symptomata de quibus ægri ingentes non rarò querelas movent, uti sunt totius corporis languor, interiorum calor & ardor pari dolori junctus, aliaque de quibus Authores videri possunt.

V.

Partem affectam affectus ipsi excipiunt, quos superius omne morbi genus absolvere innui, specialiter tamen loquendo & symptoma in excretis esse videntur variolæ ac morbilli, & morbus. Illud quidem quatenus vel Sennerto Viro Clariss. Teste natura ebullitione ceu effervescentiâ febrili solennem hanc *ἐκκρίσιν* producit. Hic verò quatenus ab his pustulis partes tument, figura ipsarum vitiatur, superficies exasperatur & continuum solvitur, unde morbus organicus & solutæ unitatis prodeunt. Agnoscunt interim ut *symptoma* pro sui generatione morbum, *intemperiem fluidi*, seu massæ humoralis calidam, quæ ex febre continuâ nunc intensiore, nunc remissione, sub tempus eruptionis satis patescit.

VI.

Affectuum & partis affectæ expositioni Causæ succedunt, quas non perinde facile est enucleare, imprimis cum tot tantorumve Virorum ingenia certa illarum cognitio hætenus vexârit. Melioris distinctionis & veritatis indagandæ causa dispescere eas libet in externas & internas: Externis annumerandus est rerum sex non naturalium malus & præposterus usus: *Vicius pravus*, cujus exemplum apud Willisium videre est, ubi ex crapula quidam morbum hunc incurrit, cum aliàs in tota regione nemo eo laboraret: *Aëris incongrua dispositio* calida nimis vel etiam frigida & nebulosa: sic non ita pridè animadvertit Experientiss. D. D. Roth. Anatom. & Botan. heic professor, Hospes & Præceptor meus æternùm colendus puellulam septennem cæterà sanam frigido & nebuloso aëri expositam variolis correptam fuisse: Quin imò cum aërem continuò haurire necesse habeamus, sin iste scateat particulis multis ac variis, sanguinis, cui vel respiratione attractus

tractus vel per poros cutis communicatus misceri potest, crasin & mixturam facile turbabit, id quod in infantulis facilius accidit, quàm in adultis, ut pote quorum constitutio tenella est, & externis injuriis minus idonea resistere, imò qui sanguine εὐμετέλει plerunque gaudent: Huc etiam aërem contagio aliquo infectum plures referunt, in variolis præsertim epidemiis, malignam sanguini diathesin vel inducentem protenus vel foventem: equidem aëris, ratione spiritus potissimum, ipsum undiquaq; circumvolitantis, magnam esse in sanguinis motu vel sustentando & conservando vel augendo & turbando efficaciam, fateri omnes arbitror, hocq; ipsum eleganter juxta ac evidenter sagaciss. Mayow demonstravit: Non immeritò autem suspicatur Clariss. D. Harderus in collegio practico, in variolarum eruptione sanguinis texturá quodammodo immutari, atq; ad hanc consequendam ipsummet aspirare; siquidē liquor sit luxuriantis naturæ, variisq; particulis abundet, ob quas in eodē statu, præprimis in tenellâ ætate in quâ mixtum mutationi facile obnoxium evadit, rarissimè permaneat: prout hoc ipsum eleganter etiam Cl. Sydenham declarat: unde particulæ aëris infecti, vel talia effluvia ab ægris morbo eodem laborantibus, sive per respirationem sive transpirationem communicata, sanguinem novum statum quasi affectantem, juvare potissimum ac disponere dici debent; difficile enim utcunq; dictu est, quia aër malignâ hujusmodi qualitate infectus, sanguinem momento velut ita inficere & tantam purulentæ materiæ copiam in ipso producere valeat: adeoque ut veritati magis congruum videatur, in sanguine præviā quandam diathesin, ad affectus istos producendos vergentem admittere, uti infra dicetur fusius.

VII.

Interna duplex est antecedens & conjuncta: Prior est humorum abundantia, seu sanguis luxurians, atque particulis ad secretionem idoneis turgescens, in Pueris quidem ob victum liberalem, somnum multum, animum hilarem, vitam jucundam curis destitutam, unde coctiones felicius peraguntur, humoresque luxuriare solent. Posterior à variis variis statuitur. Willisius cum Arabibus impuritates sanguinis menstrui partium humani corporis staminibus sese intruden-

tes

tes accusat, putans sanguinem menstruum & impurum adhuc, secundum generationis principium esse, cum tamen manifestum sit, & investigatione assiduâ, ac labore improbo compertum, sanguinem menstruum nec impurum esse, neque ad generationem sub formâ illâ rutilâ quidquam conferre, multò minus ad stamina hæcce contexenda concurrere, uti hoc eleganter satis, prolixèque diduxerunt cum aliis, S. R. I. Acad. Nat. Cur. Socii Sagaciss. & Argutiss. Pæon & Pythagoras, cum in exercit. Anatom. Med. nuper editis eruditis, tum *Ille* in Prodr. Physiol. cap. de sanguine menstruo. Omne quidquid fœtus in utero contentus à Matre accipit, non sanguis crudus, verùm humor in placentâ præparatus & segregatus est, siquæ impuri quid continet adhuc, statim ab infante per emissaria excernitur, adeò ut ortus variolarum & morbillorum nullâ sufficienti ratione isti tribui possit. Huc accedunt varia argumenta alia, quæ haud parùm obstant. 1. Quòd juxta Fernelium Mulieres quædam peperere, quæ nunquam tamen fluxum menstruum passæ sunt. 2. Quòd Conceptio fit non imminentibus, aut præsentibus, sed finitis mensibus. 3. Quòd variolæ & morbilli novum morbi genus audiunt Mercuriali, si autem à sanguine menstruo progenerarentur, à jactis sanè mundi fundamentis noti fuisse debuissent. 4. Quòd natura sic esset accusanda, quæ infantulis non de meliori alimento prospexit, id quod perquam doctè & fusè cit. c. de sanguine menstruo Celeberr. Harderus demonstrat.

VIII.

Melius sentire illos arbitror, qui asserunt in infantum corporibus, præprimis septennium ingressorum, motus peculiare naturæ instinctu excitari, & ita massam sanguineam depurari ac perfici, sicquæ sanguinem ipsum ad novum statum tendentem, hujusmodi morbum sibi superinducere. Infantes sanè & pueri sanguine copioso & benigno præditi esse solent, qui postmodum particulis istiusmodi saturatus ad earundem excretionem febrili quodam incendio assurgit, atque tales pustulas sub cute efficit; in adultis istud non ita solenne est, quòd vel sanguis non ita dispositus est, sed cras in firmiorem obtinet, magisque resistentem, vel si acrior existit scabiem potius

potius protrusis particulis salinis producit, imprimis autem notandum, quod adulti liberiore & frequentiore motu plus dissipant humorum, unde ad similem turgescientiam sanguis rarius pervenit. Observationes interim mentionem faciunt Virorum, qui annum 40. egressi Variolis afflicti fuerunt, quarum causam certè nullo modo à sanguine materno petere, verùm sanguini illorum benigno, copioso, & habitui molli ac laxo adscribere licet. In omnibus febribus continuis natura de sanitate sollicita secretionem quandam molitur, particulasque heterogeneas massæ sanguineæ adhærentes ope effervescentiæ per solennem *Ἐκκρίσιν* plerumque ejicit foras, uti mustum ebulliens spumam & fæces excutit: Nihil absurdi hinc esse censeo, si dicam in Variolis & Morbillis sanguinem ex totâ massâ particulas quasdam separare, quæ, licet totæ æquabiliter commistæ puræ dici possint, tamen motu intestino vehementiori aggregatæ & segregatæ, texturam suam quodammodo immutent, sicque corruptelam quandam induant.

IX.

His non repugnant, quæ Clariss. Bohnius & Ettmüllerus verisimiliter statuunt, variolas nempe & morbillos à lymphâ quâdam salsacidâ ope fermentationis dictæ ad partes cutaneas per arterias delatæ, tanquam à causâ continente produci. Huic autem materiæ aggerendæ commodam occasionem præbere succum nutritium, quem in utero fœtus haurit, si ille minus laudabilis fuerit, tum imprimis lac maternum, quo aliquandiu sustentatur: neque opus est ut hujusmodi liquores nutritii admodum semper corrumpantur, sufficit illos ansam præbere sanguinis luxurie, quam vel naturæ bono, & instinctu postmodum tales efflorescentiæ subsequi consueverunt, si tamen corrumpantur iidem, particulis salinis acidis, nunc magis nunc minus (uti quidem cum aliis. Exc. Ettmüllerus eruditè conjectatur) cumulandis commodam ansam præbebunt, hinc fit etiam ut istis affectibus infantes sæpissimè, rarius autem adulti vexentur. Particulæ ejuscemodi, quas liquoris acidi vitiosi nomine cit. Viri indigitant, aliquandiu absconditæ delitescunt, & interdum per plures annos quiescunt, tandem verò levi occasione arreptæ,

si vel fermentum simile extrinsecus communicatum fuerit, siue aër vel calidior, siue alio miasmate idoneo infectus sanguinem turgescens sui que depurationem quæritantem in febrilem effervescentiam concitârit ad partes exteriores commodum deturbantur ope vasorum capillarium, & glandularum subcutanearum miliarium, sub que cuticulâ hærendo successivè in pustulas coacervantur, quarum contentus falsacidus succus effervesceat ulterius, donec in pus perfectum abeat, quod cum cuticulâ erosâ tandem in crustam duram, & crassam condensatur: interea sub hac ipsâ acidum cutim subiectam erodit, foveas que plus minus parit, prout magis vel minus effervescentiâ febrili materiæ secretum fuerit.

X.

Quærenti jam cur Variolæ & Morbilli quibusdam citius, quibusdam tardius, quibusdam nunquam, quibusdam bis, tervè obveniant haud difficile erit respondere 1. Provenire hoc à varietate temperamentis, variâ que corporis constitutione, uti videmus terram uno in loco citius proferre fructus, in altero tardius, unde fermentaceæ istæ particulæ in corpore diu latere possunt, donec à causâ aliquâ externâ, vel interno motu aucto exaltentur, atque excitentur. 2. Interdum sub alio morbi genere apparere, teste experienciâ, & Virorum Eruditorum plurimorum autoritate: ita videmus scabiem vel tineam passos rarè aut nunquam variolis vel morbillis laborasse, vel si laborârint, tamen non graviter decubuisse. 3. Suscitari posse easdem à fermento vitioso non radicitus expulso. Exemplo sint febricitantes, cancræsi, alii que qui facillimè iterum in recidivam labi queunt.

XI.

Differentias Variolarum quod concernit, sunt illæ variæ. 1. Enim aliæ sunt fientes, aliæ factæ. 2. Ratione loci affecti, totum corpus, vel certam tantum partem occupant, faciem vel pedes. 3. Ratione moris aliæ benignæ sunt, nullis que; gravioribus symptomatibus stipantur, aliæ malignæ, contagiosæ, & epidemicæ aliæ privatae, aliæ legitimæ, aliæ spuria. 4. Ratione figuræ, aliæ sunt acuminatæ, depressæ aliæ, magnæ vel parvæ, copiosæ vel paucæ. 5. Ratione coloris, aliæ rubræ sunt vel albescentes, aliæ virides

des vel nigræ. 6. Ratione temporis expulsionis & suppurationis, quædam statim apparent, quædam tardius, alię manent, alię disparent statim. Alię brevi tempore exsiccantur, alię longiori demum terminantur. Porro alię vestigia relinquunt, alię non. De quibus omnibus videri poterit Senner-tus, Platerus, Riverius, aliiq̃ue.

XII.

Speſtatis differentiis ſigna, quibus affectus iſtos dignoſcere licet, examinanda veniunt, ſunt autem illa duplicia, quædam præſentes, alia imminentes denotant. Variolarum & morbillorum præſentium manifeſta ſunt indicia, etenim in ſenſus incurrunt puſtulę vel maculę, quibus partes cutaneę deſcendari ac affici ſolent. Imminentes aliquomodo indicant variolę vel morbilli epidemicę, id eſt, publicę latę & paſſim graſſantes, nullus enim puerulorum tunc febrī corripitur abſque illorum ſuſpicionē, imò nec ii, qui nunquam adhuc hiſce tentati fuerunt, immunitatem ſibi promittere poſſunt. Ad prænuncia ſigna referimus ægrorum perterrefactorum & ſubſultim expergeſcentium oculos flammeos, ex ſanguinis & ſpirituum igneo quaſi motu tales redditos, dolores item capitis, faucium, dorſi & lumborum, cū ſanguinis in arteriis ebullitionem, tum particularum acrim ſecretiones agnoſcentes, pruritus inſuper narium, hæmorrhagiam, anxietatem magnam, & inquietudinem, quam Syncope aliquando comitatur, itidem; ex inteſtinā luctā, ſanguinisq̃ue fervore & partium heterogenearum cum homogeneis pugnā, quibus aliqui vapores tetros & impuros jungunt, prodire ſolita: difficilem porro reſpirationem, cū ob ſanguinis motum auctum, tum quòd aliquę particulę coagulari, & in partibus pneumonicis ſubſiſtere ſolent: tremores item & convulſiones, à ſpiritu nitro aëreo cum partibus ſalino ſulphureis maſſā ſanguineā ebulliente exaltatis, vehementius in partibus muſcularibus concurrente, & inelaſin quandam adaſto oboriri ſolitas, hiſ addimus tuſſim ſiccā à materia irritante acri oriundam, vomitum à ſaburra circa ventriculum collectā, quam inteſtino motu concitata natura, ejicere ſatagit, vel acri quodam fibras nerveas tranſverſas ſtimulante, prodeuntem: Sitim, ardorem, punſtionis ſenſum in toto corpore, lacrymas

involuntarias &c. quæ singula sanguinis ad materiam acrem motu vehementi expellendam exurgentis effervescentiam produnt, quam ipsam magis demonstrant pulsus celer, inæqualis, urinæ turbidæ, & justo tinctiores, alvus suppressa. Signa isthæc nunc omnia concurrunt, nunc aliqua tantum adsunt. Si Symptomatum adest *συνδρομή* tertia vel quarta die auctorum, maculæque nonnullæ rubræ in cute eminentes in altum granorum milii ad instar ferantur, & in pustulas sanie repletas mutantur, in variolas abeunt. In latum verò extensæ exigua tubercula, & morbilli fiunt.

XIII.

Ad Prognosin quod attinet, in illâ formandâ cauti simus oportet, jussu & suasu Hippocr. Dictatoris nostri docentis in morbis acutis prognosin esse dubiam; Ludit enim hic morbus sæpè nobiscum, & dùm ægri convalescere videntur, inopinâ quandoque morte premuntur. Prout autem variolæ & morbilli pluribus & vehementioribus, aut paucioribus & mitioribus symptomatis circumcincti fuerint, pejoris aut melioris eventûs spes affulget. Periculosiores sunt variolæ in adultis & senibus. Tardè item propullulantes, & quæ semel egressæ iterum retrocedunt. Naturæ enim imbecillitatem denunciant, & materiæ heterogeneæ copiam, ac pertinaciam. Malum quoque signum habetur, si tempore suppurationis febrili convulsiones accedant, juxta Divini Hipp. aph. satius est convulsioni febrim supervenire, quàm febrili convulsionem. Respiratio si difficilis sit, suffocationis metum incutit. Diarrhœa aut dysenteria nihil boni minantur, utpote quæ de arsenicali humorum acrimonia testantur. Idem faciunt pustulæ malignæ & contagiosæ, depressæ aut quæ subsidentes nigræ, virides, lividæ, violaceæ evadunt. Variolæ etiam cùm eruperunt si statim emarcescant, nec eruptione facta febris dispareat, symptomataque non remittant, si in augmento circa os crusta nigra accrescat, nihil boni sperare jubent.

XIV.

Contrà bonæ indolis sunt paucae, eminentes, fastigiatæ, distinctæ, separatæ molles, rubræ albidæ, citò erumpentes, & citò maturæ. Quibus si symptomatum remissio & mitigatio accedat salubrem eventum promittere permittunt, adeò

deò ut spes sit, totam curam spacio 12. 14. aut 20. dierum absolutum iri. Morbillos autem, si cœteris paribus isthæc indicia notare liceat, intra 4. vel 7. dies desituros confidimus.

XV.

Ut Cura citò, tutò, & jucundè instituatur ad indicationes attendere oportebit, quarum tres nobis occurrant. I. Curatoria, II. Præservatoria, & III. Vitalis. Curatoria morbum respicit, & causam continentem: effervescentia proin in sanguine, si nimia fuerit modicè mitiganda, secretio ipsa juvanda, & ubi opus fuerit promovenda temperatis, pustulæque prorumpentes, ad justam maturationem, mundificationem, & lævigationem perducendæ. Præservatoria à causâ antecedente desumpta exigat humorum qualemunque alterationem, & evacuationem, quam blandâ diaphoresi à centro ad circumferentiam pellendo potissimùm consequimur. Vitalis vires præsentis conservare imperat, & amissas restituere, ope cardiacorum temperatorum, quibus vicissim separationem materiæ ligatæ promoventia interdum miscemus.

XVI.

Materia Præsidiorum è fonte triplici advehitur, Chirurgico putà, Pharmaceutico, atque Diæterico. Chirurgia porrigit V. S. remedium generosum, quam plures statim morbo incipiente adhibendam censent, ego verò non nisi plethorâ præcipuè urgente, si sanguinis circulus liberior impediatur, consentientibus juxta ætate, & viribus administrandam censeo. Scio equidem in aliquibus administratâ V. S. Sectione variolas copiosè erupisse, quod proin illam commendare potis esset, quia tamen hac ipsa, ebullitio in sanguine, quæ ad separationem sæpius dictam necessaria est, summopere minuitur, quinimò despumationi isti pabulum congruum subtrahitur, unde accidit frequenter, ut variolæ apparere incipientes subito detumescant, & reperiuntur, non citra prægnantes causas eam institui debere omnes mecum indicaturos confido. Quibus V. S. tuta non est, cucurbitulis re ita hortante uti poterunt, brachiis, natibus, lumbis, cruribus admotis. Variolæ in altum nimis assurgentes, latiores, coincidentes, ita ut ex pluribus vesiculis una fiat (quales Hospiti meo Viro Excellentiss. D. D. Rothio Facul-

tat. Med. p. t. Decano Spectarissimo, ante triennium videre contigit) forfice aperiendæ sunt, & linteo mundo abstergendæ, ne materia acris ibi contenta ulterius serpat, partes carnosas subjectas exedat, gangrænamque inducat, quæ alias facillimè accersi solet, de quo varia extant exempla, & observationes.

XVII.

Pharmacia amplissimum remediorum campum aperit, quæ diversis temporibus adhibenda sunt, atque in hoc Medici prudentia potissimum elucescet, si ad tempus separationis, expulsionis, & suppurationis judiciosè attenderit, in illo ebullitio viget aliquantisper, quæ nec augenda calidioribus, nec impedienda frigefacientibus, in isto pustulæ comparent, quæ extus semel pulsæ, ne versus interiora regrediantur postulant, in hoc verò natura, quantum fieri potest, in opere suo juvanda, & incommoda, si quæ obstant, amovenda: Prioribus scopis satisfaciunt medicamenta varii generis à Medicis laudari solita: suadent aliqui Clysteres emollientes, vomitoria, ut & purgantia ab initio morbi adhibenda ex Syr. flor persicor. Mercurio dulci ritè parato ad gr. iv. v. vi. vii. & sic deinceps pro ratione ætatis, constitutionis ægri & temperamenti. Verùm & hic προεξευκηνήσαντα Medicum agere oportet; fit enim sæpius ut auxiliis istis natura in opere suo avocetur magis, aut turbetur, partiumq; separabilium ita secretio impediatur. Uti de hisce Experientissimus Vir D.D. Harderus in literis ad D. D. Bonnet Practicum Genevensem felicissimum exaratis, accuratè, simul ac nervosè differit, quas ex ipsius liberalitate nuperrimè videre mihi licuit. Quòd si tamen diuturna alvi urgeat suppressio, vel circa primas vias saburrhæ humorum stagnantis evidentia adsint indicia, clysteribus vel blando alicui purganti, habita tamen ratione febris, locus dari poterit: Summa si nullibi, in variolis certè & morbillis υπηρέτης τῆς φύσεως est Medicus, qui naturæ duci obtemperat, hancque si vel torpidior fuerit excitat, vel si particulæ viscidæ difficiliter separari queant, convenientibus adjuvat: ipsam tamen ebullitionem præproperè nec augere nimium, nec infringere medicamentis intempestivis tentat, patet hinc nec calida spirituosiora, nec diaphore-

phoretica fortiora, citra necessitatem frequentius usurpanda esse, bezoardica imprimis, utpote à quibus sanguinis ebullitio incrementum inidoneum capit, separatioque, quæ successivè absolvi cupit, præcipiti cursu concitatur, ita quidem ut vel non omne, quod tractu temporis separatum fuisset segregetur, vel motu hoc urgente aliæ particulæ, quas natura expelli noluiſſet, vicissim protrudantur, relictis cæteris ad segregationem magis opportunis: Sequetur itaque motum naturæ Medicus, ac diætâ imprimis tenui, rerumque externarum convenienti usu, quibus medicamenta temperata separationem quoquomodo juvantia affectu id postulante adjunget, illi suppetias feret. Ubi verò motus iste torpidior esset, qualis in temperamento pituitoso præditis plerumque esse consuevit, vel particulæ separandæ pertinacius mixto-
ligatæ essent, incidentibus, attenuantibus, volatilibus ac spirituosiss hisce subvenire licebit, talibus maximè, quæ naturam ad circumferentiam pellentem firmant, qualia sunt, quæ ex C.C. phil. præparat. oc. cancr. terr. sigillat. ꝯ. diaphoret. bezoard. mineral. corall. rubr. croc. pulv. pannon. rubr. aq. scabios. fumar. succis. chærefol. acetos. syr. citr. violar. chariophyll. roob. sambuc. acet. scillit. & similibus parantur, & vel formâ pulveris, mixturæ alicujus, aut emulsionis additis seminibus citri, napi, card. bend. aquileg. exhiberi solent. Sententiam hanc modò declaratam confirmant Practici: quotquot prudenter affirmant infantes & pueros medicamentis non obruendos, sed omnia ferè naturæ recommendanda esse, Hoc etiam Monspelii olim Nobiliss. & Ingeniosiss. D. D. Peyerus Scaphusianus Collegii nostri consultatorii Director & Præses seriò nobis inculcavit. Pus-
tulis hisce comparentibus, & ad sui perfectionem vergentibus diligenter respicere oportet ad organa sensuum externorum oculos, præprimis nares, aures, os, ut & pudenda & articulos, fauces, guttur, quandoque etiam partes internas, pulmones &c. quibus interdum utpote urgentibus postpositis aliis occurrendum. Oculi clausi vi aperiendi non sunt, metu majoris doloris, majorisq; humorum affluxûs, qui hinc concitari posset, unde majus periculum immineret. Emollire interim materiam, & munire eos licebit lacte, croco, butyro
aquâ.

aquâ tepidâ , aq. omnium flor. fabar. quæ tepidè applicari poterunt. Ad exulcerationem ab iis abigendam formula concinnati potest commoda ex aq. rofar. rubr. plantag. euphras. flor. balauft. sem anis. sacch. Saturn. croc. essent. vel spir. camph. parata. Hisce in formam liquidam redactis lintheola mollia imbuuntur, tepideque oculorum canthis admoventur. Variolis acribus cutem erodentibus oleosa non profunt, sed potius aqua medicata quædam ex camph. & Antimon. diaphoret. aliisque quæ acres lymphæ particulas alkalifitate suâ subtundunt, & imbibunt parata. Naribus præcautionis ergò suppositoria ex butyro recenti indantur. Pro collutione oris inserviet aq. plantag. flor. cyani, balauft. roob diamor. mel rosat addito tantillo salis prunell. Pulmonibus affectis inserviret linctus ex demulcentibus & abstergentibus, uti sunt syr. hed. terrest. scabios. papav. rhæad. violat. aq. papav. cinam. addendo corallia rubra, oc. cancr. & similia. Aliis quoque symptomatis, si quæ accidunt studiosè occurrendum ex. gr. vomitui convulsionibus, vigiliis, diarrhææ, de quibus videantur Practicorum Libri. Vires si succumbere incipiant, vel dissipari, cardiacis moderatis ex aq. borrag. flor. tiliæ scabios. cinnam. ten. margarit. syr. citr. de rub. id. aliisque par. refocillari possunt, quibus simul materiæ secretioni aliquomodo prospicimus: In convulsionibus pæonia, pulv. marchion. ungula alcis. sal. vol. C. C. & cinnabarina valdè conducunt. Ad pruritus compescendum membra aquæ calidæ quandoque immitti solent cum levamine, cavendum tamen summoperè ne illa refrigescat, sicq; pustularum subitæ disparitioni ansam præbeat.

XVIII.

Tempus suppurationis, & exsiccationis, quod posteriorem scopum ad quem collimat Medicus constituit, soli naturæ committitur, & diætâ potissimùm exactâ sublevatur. Cùm pustulæ emarcescere incipiunt, nec multo labore nec magno negotio opus amplius est. Variolis enim probè suppuratis nullis medicamentis internis æger eget amplius, siquidem omnia tunc symptomata cessent. Pueros interim cohibere oportet, ne partes prurientes scalpant, sicque corpus miserè defœdent. Ad faciliorem pustularum maturationem

Matrona

Matrona quædam (referente Clariss. Craanio Professore Universitatis, quæ Lugduni Batavorum est, Perspicacissimo) omentum ovis granis hordei impactis affabat, & liquore inde defluente faciem lavabat, sic ulcuscula detergebat, unde formosa perstitit, & formosissimas habebat filias. Aliàs facies lavari potest aq. sigill. salom. lilior. albor. flor. fabar. omnium flor. lact. virg.

XIX.

Superest Diæta, quæ exacta esse debet, utantur ægroti aëre puro & temperato non nimis calido, utpote ab illo incendium febrile facile augetur, nec frigidum qui eruptionem compedit. Æger etiam stragulis nimium coopertus non sit, qui muliercularum error frequens est, uti Exc. & Experientiss. D. Professor Roth testari potest, exinde aliquando plures periisse, quam ipsius morbi vi. Nec enim conducit vi quâdam separationem præpropere ciere. Decumbat nudus sine indusio, indusium amiciendum sulphure suffumigetur, ubi sudorem natura movet, cavendum sedulo est, si jam eruperint, si in procinctu sint pustulæ, ne repente detegantur, & aëri frigido se exponant infantes. Hipp. heic. observandum monitum, qui τὰς παρέρχοντας officio suo fungi severe hortatur, si proin Medici jussibus apud pueros strenue morem gerant. Victus instituendus tenuis, sola jussula carniū, hordeata & avenacea cum vitell. ovi eduliorum reliquorum vires supplebunt. Potus sit decoctum c. c. vel Terræ sigillatæ. Variolis suppuratis & maturatis æger paulo copiosiori cibo ali potest, ita tamen ut lene catharticum ubi declinare incipiunt non omittatur ex infus. fol. senn. cum syr. flor. persic. aut syr. rosar. simpl. concinnatum. Somno non interdicendum nisi nimius fuerit, ne æger nimis torqueatur. Excreta si non respondeant, donec pustulæ planè eruperint non sollicitanda, satius enim est ægrum constipatum sinere tantisper, quàm clysterem applicando diarrhœæ fores aperire. Animi pathemata modum non excedant, etiam sanati non statim aquâ frigidâ lavandi, nec aëri frigido exponendi sunt. Quadrat huc observatio *Celeberr. Viri, & Spectatiss. D. Decani Rothii*, quod Puella jam jam Variolis liberata, & in integrum restituta, sed mature nimis foras in aërem frigidum

C

missa,

missa, inflammatione postmodum totius cruris vexata fuerit. Apparet ergò exhinc in ejusmodi gravi casu prudenti semper opus esse cautelâ , ne nimium vel jam à malo liberatis confidamus cùm latitans sæpè adhuc dum in corpore hostis & causâ externâ adjutus præter omnem expectationem tales jugulârit, probè hinc memores triti illius veriverbii.

Fiso res perit diffiso salva remansit.

Hæc sunt quæ pro ingenii mei modulo Lectori offerre volui, quæ minus elaborata si fuerint benevolè interpretetur summo perè rogitò , pro viribus quippe egi, quibus deficientibus voluntas saltem laudanda venit. Tibi vetò benignissime Deus pro hocce aliisvè innumeris in me collatis beneficiis sit Gloria, Laus & Honor in sempiterna secula. Amen.



C O R O L L A R I A,

Ex Hippocr. desumpta secundùm
recognitionem Vorstii.

I.

Febrem convulsioni supervenire satius est, quàm convulsionem feбри. 2. aph. 26.

II.

Dum pus fit, dolores ac febres accidunt magis, quàm confecto. 2. aph. 47.

III.

Quæ judicantur, & judicata sunt perfectè, ne moveto neq; innovato, sive purgantibus medicamentis, sive aliis irritamentis, sed finito. 1. aph. 20.

IV.

Quæ educere oportet, quò maximè vergunt, eò ducenda, per loca convenientia. 1. aph. 21.

V.

Concocta medicamento purgante educenda, & movenda,

da, non cruda, neq; per initia, nisi turgeant, plurima verò non turgent. 2. aph. 22.

VI.

Pregnantes purgabis, si materia turgeat, quadrimestres, & usq; ad septimum mensem, sed has parcius. Juniores autem & seniores cautè purgare oportet. 4. aph. 1.

VII.

Mulier in utero ferens, venâ sectâ abortit, eoq; magis, si sit fœtus grandior. 5. aph. 31.

I.

Ad Clariss. & Nobiliss.

D. CANDIDATUM.

Eist mir herkölich lieb / daß wir einander kennen
Von jüngster Jugend an / und Vetter dörrffen
nennen.

Noch lieber ist es mir / daß wir vertraute Fründ
In dieser bösen Welt / und Reißgespanen sind.

Noch lieber ist es mir / Trutz allen unsern Finden /
Daß man den Lorbeer = Kranz umb unser Haupt will
winden /

Nach dem wir aus dem Kampff gekommen werden
seyn;

Doch geb ich dir den Preiß / nim hin / er ist schon dein.
Der Höchste steh uns bey! daß wir die grossen Sachen /
Der schönen Heylungs = Kunst / mit Freuden können
machen:

Daß unser Müß und Fleiß / in dieser edlen Kunst
Gereich zu seiner Ehr / und vieler Menschen Gunst.

Dieses wenige setzet bey / aus wolmeynender Freunds,
Affection seinem werthesten Herrn Vetter /
und liebsten Freund

Jacob Hochreütiner von G. Gallen /
Med. Cand.

Ad Clarissimum Dn. Candidatum.

Qui cupit immensum maris æquor arare sonori,
 Is fructus rapidi magna pericla capit:
 Qui sequitur *Martis* crudelia castra, timere
 Cogitur is Mortis noxia tela feræ:
 Sed tu contrariis didicisti absistere telis,
 Doctorem contra fortiter ire minis:
 Plaudo tibi haud dubiè Victori; Et pectore læto
 Accipe Doctoris præmia larga brevî.

Honoris ergo hæc adjecit

EMANUEL ZÆSLINUS, Φιλίατερος.

F I N I S.

